



SUATEA



COMUNICADO DE PRENSA - EDUCACIÓN

EL TRIBUNAL CONSTITUCIONAL ALMITE A TRÁMITE LA DEMANDA DE SUATEA CONTRA LA NORMATIVA D'EVALUACIÓN DOCENTE

Coincidiendo cola entrada en vigor del Plan d'Evaluación puestu en marcha pola Consejería d'Educación y publicáu nel BOPA del 16 de marzu, el nuesu procurador comunícanos qu'ayeri día 17 de marzu'l Tribunal Constitucional ponía na so conocencia l'almisión del Recursu d'amparu constitucional presentáu pol nuesu sindicatu contra l'alcuerdu de gobiernu del Principáu d'Asturies que dio orixe a la Llei d'evaluación, que'l so últimu desenvolvimientu ye'l referíu Plan d'evaluación.

Na práctica, esto significa que la sala segunda del Tribunal Constitucional tendrá de pronunciase sobre'l conteníu de la Llei d'evaluación, na medida que, según la nuesa demanda, pretende refugar sentencia firme del Tribunal Cimeru de Xusticia del Principáu d'Asturies que declaraba la nulidá de la carrera profesional. El plazu previsible ye de dos o tres meses.

Esto demuestra, una vegada más, que la trunfalista fuxida palantre de l'Alministración nel asuntu de la carrera profesional de los docentes, amarutada agora de Llei d'evaluación, va deber finalmente afaer cuentas cola so ilegitimidad d'orixe, al venir d'actos declaraos nulos polos tribunales de xusticia. A nós nun nos caben duldes sobre la resultancia.

Por eso pidimos una vegada más a esta Alministración qu'abandone un proyectu d'evaluación discriminator, inútil y costosu y axuste cola mayoría sindical una homologación retributiva asemeyada a la del restu de Comunidaes Autónomes, que nun fixeron pasar a los sos docentes por esti bochorosu procesu.

Uviéu 18 de marzu de 2011

EL SECRETARIÁU D'ASTURIES DE SUATEA